

## 23 Yawè a ηwè ce e ke cìη mè

<sup>1</sup> Yawè a ηwè ce e ke cìη mè àmbò ηwè ncìη njèe,

m be buu yuu ka'.

<sup>2</sup> E ke fyε' dì' ce mjεε mncòη mi yu yεeni,

ma'shi m noη mbo.

E ke lòr mè ce dù àghò fàdì' ce mndip mi ke caη muwè/dù ene nyoooη à nfè'

wεεwε.

<sup>3</sup> E ke gèe ηger yi ce kuti mè njo.

E ke lòr mè ce dù àgho njep yà' ce yi yu bònboη,

njo' li rlii.

<sup>4</sup> Ka' m ka' ce jèr njep ntòn ce e ce sii, a ce wepsi mè, m be wεp ka'

njobè' à yu wèe sò,

Yò mbàn ba yò mbàn gortu vi ke kè'ni mè ker ce bòose mè.

<sup>5</sup> Wε ke gèe ηkà' nè mè à bsii ya ηgãa bbàa.

Wě ke koni mè, yo' ya tu nè mηgur,

wε ke ruusi yà ndoη, e ruu baatî.

<sup>6</sup> Mè rìη nè mini—ηwè ene à be dùηshi mè lo rbònntee ker ba yò ηkoosemnsi à

mnòη wεεwε efa la ryòη

te m ce cu mbe ndàp Yawè nfesè.

## 24 Ɖkũũ ce e yu ñgòr

<sup>1</sup> Nshe ca a nshe Yawè, buu wεεwε e ñjo à ba yì buu,  
ñgòñ a yi, bèe wεεwε ce a cu ce mbo à ba yì bèe.

<sup>2</sup> Njobè' e m boo kùu ñgòñ mbendù mndip,  
a ba're yi mbendù mndip.

<sup>3</sup> A ñjèè bèe kε ce Yawè be mà'shi enε a ko' kù rtùu Sayòn?  
A ñjèè bèe kε ce Yawè be mà'shi enε a niñ mbe yě ndàp?

<sup>4</sup> Yu bèe ce map mmo mi yu mnrara,  
map mñkwà'shì mi ba kùyεε,  
a ba bèe ce a kòñ ncàpñgòñ ka',  
a ba bèe ce a ke kàa à cici ka'.

<sup>5</sup> Yawè be ghòni ñwè anà,  
làa enε ñwè anà yu ñwè ñgèe buu bbeber ka'.

<sup>6</sup> Njèè bèe anà a bèe ce a ke dù mbe ndàp Nyù,  
a bèe ce a ke loo nè Nyù Jakòp. Selà.

<sup>7</sup> Mù' nè bcùu ñka'!  
Mù' nè bkèñ elũñgòñ  
te ñkũũ ce e yu ñwè fòo bo niñ.

<sup>8</sup> Ɖkũũ ce e yu ñwè fòo anà a nda?

Yu Yawè ce e tap, a tur nger,  
à ba Yawè ce e tur nger à rmà' bìr, so.

<sup>9</sup> Mù' nè bcùu nka'!

Mù' nè bkèḅ elũuḅḅòḅ,  
te nkaḅ ce e yu ḅwè fòo bo niḅ.

<sup>10</sup> Nkaḅ ce e yu ḅwè fòo anà a nda?

Yu Yawè ce e tur nger wèwè,  
e yu nkaḅ ce e yu ḅwè fòo.

## **25 Deyid à m loo ene Yawè ke'ni ye ker tɛ'shi ye**

<sup>1</sup> Oo Yawè! Mè nàa la ryòḅ a fa nè wè.

<sup>2</sup> Oo yà Nyù! Mè fòosi nè wè,

fa mà'shi te a gee te rètu yi koo mè ka',

fa mà'shi te ya ḅḅaa bbàa a saani mbe mǎ ndù ene a so mè ka'.

<sup>3</sup> Nè mini—ḅwè, rètu yi ke koo ḅwè ce e fòosi nè wè ka',

geewa'a, yi ke koo ba bèe ce a ke bo'ni.

<sup>4</sup> Oo Yawè! Gèe te m riḅ wo mnduunḅì,

duḅshi mè wo byà'.

<sup>5</sup> Cànḅi mè nè yò mini ker ye'ni mè,

njobè' a wè Nyù ce wè gèe mè lũḅ.

Με ke fòosi nè wè à mnòη wεεwε.

<sup>6</sup> Oo Yawè! Kuushi yò ηkoosimmse ba lo rkòηni ce nfesè

ce elũuηgòη

<sup>7</sup> Oo Yawè! Fa kuushi yà buu bbebep kè wa mntùpbuu ce mè m gèe à ghàηwè

ka',

kuushi mè nè lo rkòηni ce nfesè

njobè' wè bòη.

<sup>8</sup> Yawè à bòη, a ba kùyεε,

banε e ke cepshi ηgãa ηgèe buu bbebep enε a ce jεr njep yi nduunji.

<sup>9</sup> E ke càηsi bèe ce a lòr yàp nyor njep nshè à yuu ce yi yu yeeni,

ker ce ye'ni wowèe vi mnduunji.

<sup>10</sup> Mnduunji Yawè wεεwε yu rkòηni ce nfesè ba mini,

nè bèe ce a ce lè yi lè', a ker ce yu'ni nè yuu ce e làa.

<sup>11</sup> Oo Yawè! Fòosi yà buu bbebep njo' lo rlii,

njobè' vi bæemi.

<sup>12</sup> Dwè ce e ke wεp Yawè a nda?

Dwè anà a ηwè ce Yawè be nàshi ye njep nduunji ce e ce nè ye.

<sup>13</sup> E be kù' à buu à mnòη wεεwε,

te a ke fa ηgòη ca nè yì ηgù.

<sup>14</sup> Yawè e ke koo ñkar a bèe ce a ke wɛp ye,  
e ke gèe bèe anà a riŋ yi lè'.

<sup>15</sup> Ma mmir mi ke kù ce fyɛ' ba mbendù Yawè,  
njobè' a ye ce e be bà' ma mɲkùu efa taa.

<sup>16</sup> Yawè! Karse mmir fyɛ' mè, koosi mnse nè mè,  
njobè' m yu mamɲgi', mlù mi ba nè mè.

<sup>17</sup> Ma mlù mi rɛr mè njep ntee,  
fɛr mè efa yà ñge'.

<sup>18</sup> Yɛ ma mlù ba yà ñge',  
foosi mè yà buu bbeɓep wɛɛwɛ.

<sup>19</sup> Yɛ àmbò ya ñgãa bbàa a yu gòr,  
ye àmbò wowèe a bàa mè se nà.

<sup>20</sup> Kɛŋte mè, ja' mè,  
fa mà'shi tɛ a gee tɛ rɛtu yi koo mè ka'  
njobè' mè sùrni njep wě tii.

<sup>21</sup> Tɛ ya mini ba ya ñgèe ce yi yu kùyeɛ vi kɛŋte mè,  
njobè' mè fòosi nè wè.

<sup>22</sup> Oo Nyù, fɛr bèe Isrèl  
efa yàp ñge'.

## 27 Yεε rnèsi

*Ce Devid à m saη*

<sup>1</sup> Yawè a ηwè ce e fa mè rraa, à ba ye ce e gèe mè lûη,  
m be wεp ba nda?

Yawè a ηwè ce e ke te'shi mè,  
m be wεp ba nda?

<sup>2</sup> Bëe bbebeη a ke vù à rrè mè,  
te a bo yu mè,  
ya ηgãa bbàa ba bèe ce a bàa mè a ke vù à rrè mè,  
so mè ka', kote gwê.

<sup>3</sup> Ka' kur bsoogè a ka' gaη mè,  
m be wεp ka'.  
Ka' bìr à ba niη mè,  
m be kù fòosi nè Nyù.

<sup>4</sup> Mè ku bipshi ba yuu e mo'sir ese Yawè,  
à ku ba yi ce m ce ròo,  
te m bo ce cu mbe ndàp Yawè a mnòη wεεwe a mǎ ryòη,  
ce bèe rbòη Yawè, kèr ce ròo ye mbe yě ndàp.

<sup>5</sup> E be te'shi mè mbe nfè' ce mlù mi yu nè mè,

e be sùrti mè mbe yě ndàp

e be ku'shi mè.

<sup>6</sup> Banε m be so ya ngăa bbàa ce a gàn mè,

gèe tanşhì mbe yě ndàp nè rlu'shì—ηwè

yòp byεε nnèsì nè Yawè.

<sup>7</sup> Oo Yawè! Yu' la rwar,

koosimnse, beesi mè.

<sup>8</sup> Wè làa enê, “Loo nè mè.”

Ya ntee yi laa nè wè enê, “Yawè, m be loo ba nè wè.”

<sup>9</sup> Fa sùrti wo bsii ese mè ka'.

Fa jùu yò ηwè rfà' à rshentee ka',

a wè ce wε ke jà' mè.

Fa jùu mè ka', fa lèse mè ka',

Oo Nyù yà ηwè rjà'./Oo Nyù ce wè gèe mè lûη.

<sup>10</sup> Ka' yà ta a yà ma a ka' lese mè,

Yawè be koo mè nje nyòr.

<sup>11</sup> Oo Yawè! Cep mè ànbò àde' m ce jèr njep wě nduunjì

cànşì mè njep yà' ce yi yu kùyεε,

njo' ya ngăa bbàa a lè' mè.

<sup>12</sup> Fa mà'shi tɛ yuu ce ya ŋǎa bbàa a ce kwà'shi à rgèe nè mè nà yi geeti ka',  
njobè' ŋǎa ntɛɛ njìnsa' mnàŋ a ce rè mè,  
a ce faa à rgèe ŋǎe ntambaŋ nè mè.

<sup>13</sup> Mè byemi enɛ m be yɛ enɛ Yawè à bòn,  
àmbò mè cu njep ŋgòn na.

<sup>14</sup> Fòosi nè Yawè,  
tɛ tatap, tɛr btèni,

Fòosi nè Yawè.